

中國邊疆史志集成

東北史志

第二部

3

全國圖書館文獻縮微复制中心

中國邊疆史志集成

東北史志

第二部
3

全國圖書館文獻
縮微復制中心

奉天通志卷四十六

大事四十六

清二十

德宗三

德宗光緒十一年春正月設奉天省至朝鮮國都電綫。

清實錄正月丙午諭軍機大臣吳大澂奏籌辦朝鮮善後事宜啓程內渡日期一摺覽奏均悉中國駐防朝鮮各營現經吳大澂分派駐紮並擬令各船於旅順馬山等口往來游弋布置尙爲妥協其陸路邊界與奉天鳳凰門接壤之區仍須派營駐防以期周密即著慶裕酌度情形遴派數營常駐中江臺九連城一帶並爲聲援至所稱如由奉省籌款添設電綫自旅順接至鳳凰門外交界由邊界至朝鮮國都約計設電之費所需不奉天通志

卷四十六

大事四十六

清二十

德宗三

一

過五萬餘金該國亦頗樂從等語並著李鴻章慶裕吳大澂通盤籌畫會商妥議奏明辦理將此由五百里各諭令知之。

東華錄正月丙午諭軍機大臣等吳大澂奏籌辦朝鮮善後事宜一摺稱由奉省籌款添設電綫自旅順接至鳳凰城邊門外交界由邊界至朝鮮國都該國亦頗樂從等語著李鴻章慶裕吳大澂通盤籌畫會商妥議奏明辦理。

二月築營口長牆地營。

清實錄二月庚辰奉天將軍慶裕奏遵旨趕築營口長牆地營並將奉軍右營馬隊改爲步隊統至該處協力工作兼備戰守下部知之。

三月添築旅順礮臺改立護軍二營。

清實錄三月乙巳李鴻章奏旅順爲北洋緊要海口該口黃金山礮臺高踞峯頭最得形勝近因海防戒嚴復於左右兩岸扼要之區添築礮臺照准軍管制添募兩哨改立護軍正副二營即將新募隊伍分紮各該處月需餉項仍於准餉內動支下部知之。

夏四月修水陵。

清實錄三月庚申諭內閣慶裕等奏查勘永陵應修工程請擇吉興修一摺著欽天監於本年四月內選擇吉期先行知照即著盛京將軍會同工部侍郎屆期敬謹興修。

六月北洋大臣李鴻章奏移駐朝鮮慶軍於旅順。

光緒政要六月疏云竊本年三月間中日訂約撤兵議自登

奉天通志

卷四十六

大事四十六

清二十

德宗三

二

押蓋印之日起以四箇月爲期限內各軍全數撤回臣查兩國撤兵限期扣至七月初四日屆滿爲時已近今日日本在朝兵弁既經先撤回國其暫留之兵亦允與華軍同時並撤則我軍自未便久留臣據飭提督吳兆有督率各營官即將漢城內慶軍左後兩三營整備行隊拔赴馬山浦暫駐參將方正祥所帶正營分駐水原之三哨亦次第拔赴馬山浦統於六月初七日在該浦取齊候船內渡臣一面將撤兵日期電致徐承祖屬其知照外部迅將日本暫留朝鮮之兵盡數撤回勿任其稍有先後致煩聖慮惟朝鮮國勢尙弱強鄰環伺內憂外侮在在可慮防軍不得不撤所以暫息爭端援軍不可不強所以遙作邊勢前准總理衙門函商善後之策以旅順及鳳凰門外水陸兩路均

宜有備慶軍撤回後應酌量移紮何處臣查由邊門至朝鮮王城千有餘里山徑崎嶇遇有警急勢難剋期赴援而由旅順乘輪抵馬山浦兩日可至自馬山水原以達漢城均慶軍熟由之路其險易要害皆所稔知且與北洋師船屯紮一處水陸相依聲援尤壯自以移旅順為宜因飭派海鏡官輪並酌調商輪兩艘陸續駛往限於六月初十日齊泊馬山浦將慶軍四營弁勇及軍裝馬匹子藥等件全數運回旅順即令分紮口內東西兩岸砲台與該處舊有各營聯絡操防以資控馭而備援應所有撤回駐朝慶軍調紮旅順緣由謹繕摺由驛具陳謹奏

秋七月御史恩隆請放聖大凌河牧地不許

東華錄七月壬戌諭御史恩隆奏請將奉省大凌河一帶牧羣

奉天通志 卷四十六 大事四十六 清二十一 德宗三

裁撤牧地開墾等語奉天大凌河牧廠曾於嘉慶道光年間迭奉諭旨禁止開墾聖訓具有深意何得妄議更張致滋流弊該御史並未詳稽典則率行奏請殊屬非是恩隆著傳旨申飭

八月安東等縣水

清實錄八月丁卯朔盛京將軍慶裕奏安東等縣被水勘辦情形得旨覽奏殊堪憫惻著即飭屬妥籌撫恤勿任一夫失所用副軫念災黎至意

清史稿慶裕傳十一年安東十二州縣告災慶裕等賑撫恤民獲免

九月展設奉省至朝鮮電綫

光緒政要十九月疏云竊臣承准軍機大臣字寄光緒十一年

正月初六日奉上諭災大徵奏籌辦朝鮮善後事宜一摺所稱由奉省籌款添設電綫自旅順接至鳳凰邊門外交界由邊至朝鮮國都該國亦頗樂從等語著李鴻章慶裕吳大澂通籌籌畫會商妥議奏明辦理等因欽此旋准吳大澂等來咨轉據朝鮮國王咨稱擬自仁川港起安設陸綫由漢城至義州達鳳凰城共一千三百里該國財力一時難辦請由北洋籌借限年歸款等語臣查北洋經費枯竭而奉省亦無款可籌工料浩繁開辦不易當飭總辦電局道員盛宣懷妥議具復茲據該道議復四條一曰籌款中國前造津滬電綫水陸通計每里合銀六十五兩六錢有奇今官綫已達瀋陽由瀋陽至鳳凰城四百八十里鳳凰城至邊門又一百十里如以津滬陸綫比較計需銀四

奉天通志 卷四十六 大事四十六 清二十一 德宗三

萬兩自仁川至漢城達義州以抵中國邊門據朝鮮咨稱合一千三百里計需銀八萬五千兩另備添設馬山行軍電綫及常年修理各項銀一萬五千兩共需銀十四萬兩如工料有可減省之處則極節省儲以備常年經費不得絲毫虛糜惟北洋與奉天實難籌款似含滬關出使經費外無可取資一曰定章朝鮮陸綫中國官為代辦易啟猜忌或援照壬午年招商局代借辦法擬由中國電報總局代朝鮮政府等借公款銀十萬兩分限二十年按年由朝鮮歸還銀五千兩仍由電報總局催收轉解北洋免其計息此綫既由中國電局代為借款創造朝鮮還款未清之日應由中國電局代為管理以期款項有著一曰分任華界電綫約六百里應在所籌款內撥銀四萬兩責成北洋

電報官局選派熟手安員造辦歸併官局經理其自仁川至邊門電線約一千三百里應責成中國電報商局與朝鮮政府立約派員辦理其測量打報學生均由電報學堂隨時撥用一日善後邊門以內電線常年經費擬由東邊道就近籌畫朝鮮之電則造易而守難商報無多財力竭蹶難於借款內極力節省餘銀只可留備修理而局費巡費每月需銀若干所收報費抵用不敷應由朝鮮另籌津貼各局董事司事學生工匠人等目前暫由中國電報局代為延僱以資熟手仍一面遴選朝人到局學習以冀逐漸撤換俾垂久遠等情稟復前來臣查所議各條尙爲切實周密查據江海關道邵友濂電稱出使經費存項尙可周轉擬請敕下總理衙門於出使經費項下暫行借撥銀

奉天通志 卷四十六 大清四十六 卷四十六 五

十四萬兩以應急需臣即檄飭督辦電局盛宣懷遴派熟悉電務安幹之員馳赴朝鮮先與妥議辦法訂立合同隨帶華洋工匠勘路繪圖一面購辦物料趕緊開辦以期迅赴事機伏乞聖鑒訓示謹奏

冬十月國緩奉天各處災捐

清實錄十月癸未國緩奉天安東懷仁通化寬甸等縣被水地方應徵錢糧有差

朝鮮請禁通化縣民越境滋事

清實錄十月辛卯諭軍機大臣等禮部奏據朝鮮國王咨稱奉天通化縣民人偷伐該國樹株並有聚衆擅殺情事請飭查禁等語案關內地民人越境滋事如果屬實亟應彈壓懲治著慶

裕查明此事究竟因何啟衅妥協辦理據實具奏原咨著抄給閱看並由禮部傳知該國王已令慶裕查辦矣將此由四百里諭令知之

又慶裕奏稱查與朝鮮國王原咨所敘厚昌郡守隱報互有歧異案涉邊民越境滋事復仇擅殺自應澈底根究務成信讞得旨此案起衅緣由與該國王原咨互異惟邊民越境滋事其所報復仇擅殺等情必須研究確實持平辦理著即飭屬提集犯證並勒拿邢克碌等務獲歸案詳細研鞫按律擬辦一面嚴禁沿邊人民不准再行越境以靖邊圉而安屏藩

又十一月辛亥盛京將軍慶裕奏遵查通化縣民偷伐朝鮮樹株情形得旨此案起衅緣由與該國王原咨互異惟邊民越境滋事其所報復仇擅殺等情必須研訊確實持平辦理著即飭屬提集犯證並勒拿邢克碌等務獲歸案詳細研鞫按律擬辦一面嚴禁沿邊人民不准再行越境以靖邊圉而安屏藩

奉天通志 卷四十六 大清四十六 卷四十六 六

命雷正綰軍移駐鳳凰邊門外

清實錄十月癸巳直隸總督李鴻章奏提督雷正綰九營移往

鳳凰邊門外扼紮報聞

東華錄九月戊午諭軍機大臣等東三省邊防關係極爲緊要奉天鳳凰邊門一帶伏莽未清尤虞宵小蠢動亟應增營鎮戢現在營口防務已鬆所有雷正綰馬步九營即著該提督移往鳳凰邊門以外擇要扼紮用備緩急一切布置機宜著李鴻章與慶裕雷正綰慎密籌商務臻妥善

直隸總督李鴻章驗收鐵甲快船，乘駛出洋試驗，巡閱旅順口兩岸礮臺。

光緒政要，十月，疏云：竊前在德國伏爾鏗廠訂造定遠、鎮遠鐵甲船二隻，濟遠鋼甲快船一隻，僱用德國弁役駕駛來華，陸續到沽，臣飭統領北洋水師天津鎮總兵丁汝昌、津海關道周馥隨帶洋文憑單並原訂合同，前往驗收，認真查勘。該鎮道等督同華洋員弁分詣各船，按照合同逐細勘驗，因各國製造均用英尺較量，計每尺合中國工部營造尺九寸六分定。這一艦量得長二百九十八尺五寸，其最寬處六十六尺四寸，喫水十九尺六寸，有奇。其中段護衛機艙之鋼面鐵甲堡兩邊各長一百四十四尺，厚十四寸；砲台甲厚十二寸，令台甲厚八寸；艙內設

奉天通志

卷四十六

大事四十六

清二十

德宗二七

康邦大輪機兩具，共計實馬力六千匹，船頭左右及船後共設魚雷三具，另帶小魚雷艇兩艘，小輪船一艘，艙內淡水櫃二十具，其造淡水機器每日可供三百人食用，全船電燈二百四十盞，另有桅上最大電燈二盞，一可敵二萬枝燭光，一可敵八千枝燭光，艙上設十二寸口徑大鋼砲四尊，一二寸口徑五管連珠砲共十尊，後膛連珠槍五百二十五桿，每半時可行十四海里半，約合中國四十七里。此驗收定遠之情形也。鎮遠鐵甲厚薄一切布置均與定遠相同，惟定遠水綫下全係鋼面鐵甲，鎮遠水綫下則參用鐵甲，因當時外洋鋼價陡長，故為此變通之計。卷查合同亦已載明，而兩艦關係緊要之處皆用鋼面鐵甲保護機器，此定遠與鎮遠大致相似之情形也。濟遠快船長

奉天通志

卷四十六

大事四十六

清二十

德宗三八

二百三十六尺三寸，其最寬處三十四尺，喫水十五尺八寸，有穹甲以覆機艙，中凸邊凹形如龜甲，係以一寸鋼二寸鐵製成，其甲邊深入船旁水綫下四尺，若敵砲擊在甲邊之上，則穹甲可護各船，如擊在甲邊之下，則藉橫水阻力可免穿透，係仿照英國赫士本船式製造。艙內康邦機器兩具，共計實馬力二千八百匹，前後左右備放魚雷之第四具，艙面另帶可放魚雷之小艇兩艘，艙內淡水櫃八具，其造淡水機器每日可供百餘人食用，電燈八十盞，另有桅上最大電燈可敵二萬枝燭光，艙上設八寸半口徑長鋼砲二尊，六寸口徑長鋼砲一尊，一二三寸口徑鋼砲連珠砲共七尊，後膛連珠槍一百三十六桿，每半時可行十五海里，即中國五十里。該艦以穹甲籠罩機艙，故機艙較窄，然其喫水淺，行駛速，在快船中實為新式堅利之船。惟機艙既窄，則煤櫃不大，連穹甲上十八隔堵，共祇裝煤二百七十噸，以每日用煤三十噸計之，足供八日之用。較之定遠，鎮遠各裝煤七百噸，日用六十餘噸，其用意無甚懸殊，此又濟遠之實在情形也。該鎮道等查得三艦各件悉與原訂合同相符，遂將驗收憑單親書收到字樣交還鎮遠管駕麥蘭，定遠管駕福士，濟遠管駕恩諾爾等寄回德國伏爾鏗廠。於九月二十一、二十二、三十月初一等日陸續接挂中國龍旗，升砲如儀。華洋弁兵極呼稱賀，據實稟復前來。臣於十月十一日，馳往大沽登州覆勘，無異，即於十二日寅刻乘坐定遠並督同鎮遠濟遠各船展輪出洋試驗速率。是日北風甚勁，海濤洶湧，船行平穩如常，略無

頭窺酉刻駛抵旅順口十三日登岸履勘東西兩岸臺壘東岸黃金山嶗嶒等砲台建造已久其西岸饒頭山盤子營老虎尾新修各砲台亦已一律完固其布置均得地勢各軍演放後膛槍砲頗能中靶十四日丑刻起檢回津未刻抵沽核計往返水程與原訂合同里數不甚差謬而三船經過印度洋面風浪險惡輪軸屢經挫損尙能照常行駛則其機器之精堅可知中國自辦辦師船以來實惟此爲攻堅禦敵之利器惟有器尤須有人以臣十數年來所建議經營合數省之財力糜數百萬之金錢始克有此巨艦若以駕馭之任委之生手實不放心除酌留德國僱來員弁分派教練外所有管駕暨大二三副管輪鍋爐升火人等均挑選素在兵船之學生及船廠當差之熟手以奉天通志

卷四十六

大事四十六 清二十 德宗三十九

資得力此次行駛大洋已能運掉自如但鐵艦爲西國專門名家之學其機件之繁重理法之精深行陣之變化中國弁兵人等尙難一蹴而幾惟有督策將領細心講求切實訓練務求嫻習以期折衝制勝仰慰宸廑目下河北封凍海軍不便操練擬令丁汝昌率三艦及原有之超勇揚威兩快船前赴廈門澎湖一帶和暖之處逐日動操俾弁兵膽蕩漸臻純熟藉以周歷沿海形勢風濤俟來春二月再駛回北洋聽候醇親王等親臨閱看除將定遠鎮遠兩艦同式繪圖五幅濟遠艦繪圖五幅並洋廠原造小模樣二具咨送軍機處進呈御覽外所有試驗鐵艦快船並巡閱旅順各緣由謹繕摺具陳伏乞皇太后皇上聖鑒謹奏

十二月修正奉天與朝鮮邊民交易章程

清實錄十二月丁卯大學士直隸總督李鴻章奏奉天與朝鮮原訂邊民交易章程內使臣等行李貨物一條應酌量蠲徵並將商民紅蔴稅項減爲值百抽十以恤藩邦得旨允行

盛京將軍慶裕等奏報編查保甲完竣

清實錄十二月壬辰盛京將軍慶裕等奏編查保甲完竣報聞

十二年春二月頒新民寬甸等處神廟廟額

清實錄二月己巳以神靈顯應頒奉天新民廳柳河神廟廟額曰安流告稔城隍廟廟額曰功宣遠澤寬甸縣關帝廟廟額曰

挹婁顯應城隍廟廟額曰德治嚴謹

東華錄二月己巳頒給奉天新民廳柳河神城隍神寬甸縣關

奉天通志 卷四十六

大事四十六 清二十 德宗三十九

帝廟城隍廟額

三月振廣寧各屬災

清實錄三月癸丑奉天將軍慶裕奏遵查廣寧各屬災情分別賑濟得旨該將軍等務當督飭所屬查明被災各戶覈實散放毋任稍有弊混

定本科會試中額奉天二名

清實錄三月乙卯禮部以會試中額請得旨滿洲取中八名蒙

古取中三名漢軍取中六名奉天取中三名

夏四月醇親王查閱旅順防務

東華錄五月癸巳醇親王奕譞奏竊臣等於四月十三日夜抵天津會同大學士直隸督臣李鴻章十四日赴大沽十五日

展輪出海至奉天之旅順口十八日駛抵山東之威海衛十九日抵烟臺二十日回大沽二十二日回津連日將查閱各處礮台水陸操練機器局武備水師學堂情形電奏並欽奉十六十七日懿旨遵行在案按旅順扼直奉渤海門戶口門最狹內有東西二澳現用機器溶深可泊師船多隻船塢甫經開挖工程甚鉅非剋期能竣口外衆山環繞天然形勝現於沿海東岸黃金山牧猪磯嶗嶗嘴西岸老虎尾盤子營饒頭山等處分築礮台均得地勢仿照西法工程堅固所設克鹿卜後膛大礮多尊皆能攻堅及遠布置洵屬合宜各軍操演鎗砲有準魚雷水雷施放得法堪當大敵惟宋慶所部僅步隊五營扼紮後路尙嫌力薄有事時必須添調閩金州之大連灣水面寬闊能泊多船

奉天通志

卷四十六

大事四十六 清一千九百零三年十一月

十一

但口門太廣無可設防是以未經往勘北洋現祇定遠鎮遠濟遠三鐵艦超勇揚威兩快船可備海戰之用南洋僅開濟南琛南瑞三船行駛尙速戰位尙大臣等將前項八船調集旅順洋面合操并令隨行威海烟臺一帶布陳整齊旗語燈號如響斯應各將弁講求操習持久不懈可期漸成勁旅

五月頒開原縣等處龍神廟扁額

清實錄五月癸巳朔以靈應素著頒奉天開原縣城龍神廟扁額曰歸渚揚仁威遠保邊門外龍神廟扁額曰威靖滄瀾

東華錄五月癸巳朔頒給奉天開原縣城及威遠堡邊門外龍神廟扁額

奉天釐捐添設官斗

清實錄五月庚戌奉天將軍慶裕等奏奉省抽收釐捐日漸短絀擬請循照舊章添設官斗以資整頓下戶部議奏又奏擬將廣寧屬新民屯處驟開糧斗貨秤改爲鹽斗梨秤下所司知之

秋七月旅順口礮臺工竣

光緒政要先是光緒六年冬首築旅順黃金山礮台爲旅防經始十一年中法議成迨大船塢於旅順口內爲海軍分泊修理之所所有海軍提督署在焉其地自金州斜伸入海形如卷心荷葉臥波金州角則荷蒂也從金州向西南愈趨愈狹至南關嶺而極中寬不過六里有若荷莖爲旅順後路要隘臨南關嶺而西南則地勢漸張互西南而東北作三角形山海依倚磴道

奉天通志

卷四十六

大事四十六 清一千九百零三年十一月

十二

回旋乃天然形勝臨南關嶺又西南行二十五里曰雙台溝亦入旅孔道再西南行三十里至水師營營之通西曰椅子山礮台山之東南曰大操場自大操場折而東南行而元寶房藥庫而白玉山而旅順市而船塢循船塢石堤直南行至黃金山海岸礮台是爲旅順口東岸若自大操場折而南行稍西至大醫藥房再南至洋沱凹爲旅順口西北海岸循洋沱凹海岸南北而西至老鐵山自老鐵山角折而東轉卽饒頭山諸礮台是爲旅順口西岸蓋旅順口門最狹形如撲滿而水深二丈以外內澳約周十四里可容鐵甲兵輪澳之東岸建大船塢爲海軍根本澳之西岸有一沙舌斜伸自南而北插入澳內將澳分爲內外兩塘澳之南岸卽白玉山適與口門相值口門兩岸建立礮

台、口西曰威遠礮台、有十五生特口徑礮二口、東曰黃金山礮台、有二十四生特口徑礮二、二十四生特口徑重礮一、十二生特口徑圓城礮四、遼局仿造格林礮四、並十五生特口徑田雞礮四、兩台夾口面時有如鎖鑰、威遠礮台之西、遼南曰雙子營礮台、有十五生特口徑礮四、再西遼南曰饒頭山礮台、有二十四生特口徑礮二、二十四生特口徑重礮一、十二生特口徑重礮二、再西遼北曰城頭山礮台、有十二生特口徑礮二、德國水師礮四、而威遠礮台之北、循沙舌行至盡頭處曰老虎尾礮台、有德國二十生特口徑老礮二、是爲口西海岸礮台、黃金山礮台之東曰摸珠礮台、有二十生特口徑礮二、十五生特口徑礮二、德國八生特水師礮四、再東曰老蠟嘴礮台、有二十

奉天通志

卷四十六

大事四十六

清二十

德三

十三

九月、振奉天沿海水災。

清實錄、九月辛卯朔、諭內閣、慶裕等奏沿河被水災、懇請發倉撫恤一摺、本年秋間、奉天遼河巨流大凌等河因連日大雨、山水暴發、同時盛漲、平地水深數尺、田禾淹沒、人口傷斃、田莊臺一帶被災尤甚、小民蕩析離居、深堪憫惻、現經慶裕等捐撥銀兩、分別設法拯救、即著將該省各州縣存儲倉穀酌量撥發、遴員會同地方官確查戶口、賑資散放、俾資接濟、欽奉慈禧端佑康頤昭豫莊誠皇太后懿旨、著將本年萬壽節內務府應進銀

一萬兩撥爲奉天賑濟之用、欽此、慶裕等即當仰體聖慈軫念民艱有加無已、至意督飭各員分投散給、務使實惠均霑、毋任稍有弊混、此項銀兩未到以前、即著該將軍等先行籌款墊發、勿稍遲延、俟內帑解到再行歸款。

清史稿、慶裕傳、是秋、遼河大凌河暴長、田禾被淹、發倉以濟、設粥廠、牛莊田莊台收養之。

定本科武會試中額奉天一名。

清實錄、九月丙午、知武舉廖壽恆以武會試中額、請得旨、八旗滿洲蒙古取中四名、八旗漢軍取中三名、奉天一名。

冬十一月修奉天變駕庫。

清實錄、十一月甲辰、盛京將軍慶裕奏、變駕庫要工情形較重。

奉天通志

卷四十六

大事四十六

清二十

德三

十四

應請修理下部議奏。

頒奉天康平縣關帝城隍等廟匾額。

清實錄、十一月戊午、以神靈顯應、頒奉天康平縣城關帝廟匾額曰威宣渤海縣屬鄭家屯關帝廟匾額曰仁昭熊岳并勒封

康平縣城隍曰佑順城隍之神。

東華錄、十一月戊午、頒給奉天康平縣關帝廟城隍廟匾額。

十二月蠲緩奉天各屬災糧。

清實錄、十二月己巳、蠲緩奉天安東錦州海城廣寧新民岫巖金鳳凰開原復十廳州縣暨牛莊白旗堡巨流河各旗界被水地畝錢糧租賦有差。

十三年春正月、遣駐奉雷正綰軍回國原本任。

清實錄正月辛丑諭軍機大臣等雷正綰所部馬步九營前經調駐營口復諭令移紮鳳凰邊門該提督統軍久戍頗著勤勞朝廷時深廑念現在邊防安靖自應遣撤回甘俾資休息著雷正綰統率所部仍回固原本任該軍經過地方著李鴻章慶裕飭屬妥為照料以利進行至到甘後應如何裁汰歸併分布駐紮著譚鍾麟會商雷正綰體察情形酌量辦理應領月餉由譚鍾麟覈明給發其江蘇浙江月協該軍每年共銀三十四萬八千兩應由戶部撥歸海軍衙門以濟東三省練軍餉需將此諭知戶部並由四百里諭知李鴻章慶裕譚鍾麟並傳諭雷正綰知之

又四月戊辰盛京將軍慶裕奏甘軍全數出境報聞

奉天通志

卷四十六

大事四十六 清二十 德宗三十五

奉天運京倉米豆改由輪船官運

清實錄正月壬子諭軍機大臣等李鴻章奏天津寧河海船代運奉天米豆改由官僱輪船承運一摺據稱奉天牛莊及錦寧廣義四州縣應交通倉米豆向係直隸天津寧河兩縣飭備海船前赴該省代運近年海船太少津貼不敷賠累難支擬改由官僱輪船承運自本年為始先行試辦等語直隸代運奉天米豆改由輪船官運係為除累恤民起見並可迅速交倉自應妥為試辦著慶裕唐紹儀裕長查照李鴻章所擬辦法分飭各該地方官及承辦各員一體遵辦務於輪船駛抵口岸時從速剝兌毋稍耽延倘不將米豆先期運齊到口致令輪船守候賠累辛工等項均責令奉省承辦各員照數賠繳至前議抽收營口槽

牛各船津貼仍責成認真籌辦其應需剝船套舢等費均由奉省委員州縣自行籌給如有刁難需索情事即著李鴻章查明參辦李鴻章原摺著抄給慶裕等閱看將此由四百里各諭令知之

二月頒奉天懷仁縣關帝等廟匾額

清實錄二月辛酉以神靈顯應頒奉天懷仁縣關帝廟匾額曰與天並居龍王神匾額曰照臨東海城隍神匾額曰順時施恩東華錄二月辛酉頒給奉天懷仁縣關帝廟城隍廟匾額

三月准奉天船規銀儘徵儘解

清實錄三月己丑盛京將軍慶裕等奏奉天船規銀兩定額每年十二萬現疊被水災徵難足額懇暫准儘徵儘解下戶部議

奉天通志

卷四十六

大事四十六 清二十 德宗三十六

奏

夏四月修盛京三陵

清實錄三月己丑朔諭內閣慶裕等奏查勘永陵福陵昭陵應修各工請擇吉興修一摺著欽天監於本年四月內選擇吉期先行知照即著盛京將軍會同工部侍郎屆期敬謹興修另片奏前估昭陵琉璃照壁工程本年方向相宜請飭擇吉興修等語並著欽天監選擇吉期知照敬謹興修

六月清查奉省各廳州縣倉庫錢糧

東華錄六月己亥慶裕奏前因奉省各廳州縣倉庫正雜錢糧自上次清查後款項復形瓜葛亟應清理以重庫款當經會同府尹裕長議自同治二年起截至光緒十一年止將各屬倉庫

正雜錢糧委員設局澈底清查，於十二月初九日開局查辦，曾將開局日期及委員銜名先後奏奉諭旨，允准在案。茲據清查局委員驛巡道興陞等以前奉辦清查，遵卽札提各廳州縣查核卷據，派撥請練經書來省，飭令局員連日督同按款句稽業已略有就緒，惟年分久遠，頭目繁雜，難逐一核算清楚，誠以奉省辦理事件，向係敷衍塞責，並不遵照定章，一經清查，流弊百出，卽如酌提三成米價一款，自同治十年間起，迄今十餘年，僅止奉省酌定價銀，並不咨部。各廳州縣有照數解省者，亦有解不如數及全數未解者，辦理既不畫一款目，遂多不符。又如捕盜營生息錢文一款，起自道光二十四年，迨同治十三年經前任將軍都興阿奏准添兵增餉，在於閩粵兩省海關撥款動奉天通志

卷四十六 大清四十六 清二十 德宗三十七

支令將此項生息錢文存儲，不准挪動，祇因各城旗民各署向不按年造報，致多挪用虧缺，無從稽查，甚有交代案內歷任列抵之款，並不報部，如錦縣、岫巖州交案現皆奉部駁查。此外各城抵交結報款無著落者比比皆然，必須澈底查清和盤托出，方昭核實。且查奉省庫無閒款，遇有應辦要差以及津貼各衙門不敷辦公用項，每於承德縣借用庫款，攤諸各廳州縣捐補，雖上屆清查不准再有流攤名目，第積習相沿，舍此別無良策，總難禁革。在各廳州縣以款係捐攤，每多延不解交，其實攸關承德縣正款，此次清查若不將此項攤款一律清理於庫款仍無實際，又奉省准銷兵差銀兩，每因本城款不敷領，在於外城撥給，而外城視為無關痛癢，以致抵款延欠甚多，竟成紙上空

談，此外尚多瓜葛之項，皆須逐一清理，分別抵解清款，庶於庫款有神。查辦殊非易事，前定一年期限將屆，委實趕辦不及，現應造各項冊籍繕寫亦需時日，斷難依限肅事，應請展限一年，俾得認真查辦。詳請核奏前來，奴才查奉省倉庫正雜錢糧，因上次清查未能核實，復滋流弊，現在查辦年久款繁，諸多瓜葛，自應按款句稽，分晰清理，查辦殊覺不易，原定一年限期似形迫促，局員等稱因趕辦不及，詳請展限，自係實情，合無仰懇天恩俯念庫款緊要，准其展限一年，俾得從容查辦，事求實濟，免致舛錯，以昭慎重，尤之。

冬十月，頒奉天通化縣關帝等廟匾額。

清實錄十月乙酉，以神靈顯應，頒奉天通化縣關帝廟匾額曰：

奉天通志 卷四十六 大清四十六 清二十 德宗三十八

龍沙昭佑，城皇廟匾額曰：神京翊衛，龍王廟匾額曰：天池鍾慶。

十四年春三月，建僧格林沁祠於奉天。

清實錄三月壬戌，予故科爾沁忠親王僧格林沁在奉天省城

建立專祠，從將軍慶裕等請也。

東華錄三月乙亥，予故科爾沁忠親王僧格林沁於奉天省城

建祠。

夏五月，添練奉天圍場蘇拉。

清實錄五月壬子朔，盛京將軍慶裕等奏，奉天圍場遼闊，由省

添練蘇拉二百名合力巡圍，下部知之。

奉天地震。

東華錄五月乙卯，京師、奉天、山東地震。

秋七月，奉天城及各屬水。

清實錄八月辛巳，盛京將軍慶裕等奏，永陵明堂前草倉河泊岸被水沖刷情形，得旨著查明泊岸等工認真保護修墊，一面先行覆奏，以慰屬系，並將被災戶口妥爲撫卹，毋任失所。

又奏，奉天省城東南關於七月初陡漲大水，沖倒火藥局庫火藥烘藥全行漂沒，下部知之。

東華錄八月乙巳，慶裕等奏，奉天所屬渾河、太資河均與鴨綠江相通，安東縣治濱臨江岸，通化距江甚近，易遭水患。本年六月間，即傳聞朝鮮義州大水，鴨綠江盛漲，加以本境秋雨連綿，兩事相值，江河並漲，嚴密奔流，水勢異常洶湧，渾河又與興京、蘇子河接連，下與遼河之水同時泛濫，遂致安東、通化、興京、鳳凰城、承德、遼陽、海城、蓋平、岫巖等縣俱罹巨浸，計自東遼迤邐至西南營口牛莊等處，綿亘千里，都成澤國，詢之耆老，云此次水災實爲百數十年來所未有。

奉天通志

卷四十六

大事四十六 清二十 續三十九

振奉天各屬災。

清實錄八月丁亥，盛京將軍慶裕等奏，奉省各屬猝遭水患，現辦大概情形，得旨覽奏，被災情形深堪憫，著照所請，趕緊發倉撥款賑濟，一面飭屬確查被災區，分別妥爲撫卹，毋任失所。

又奏，奉職無狀，請予罷斥，得旨地方罹此奇災，該將軍等自應倍加儆惕，現在賑撫事宜極關緊要，惟當實心辦理，以資補救，正無事空言引咎也。

東華錄八月癸卯，慶裕等奏，奉省於七月初間大雨滂沱，河水陡漲，淹斃人口，衝倒房屋，並永陵泊岸被水衝刷情形，業經兩次奏報在案。茲據鳳凰廳稟報該廳地方河水泛溢，平地水深數尺，官署及附近民房均被水浸，四鄰禾稼被淹，又安東縣稟報該縣地方平地水深二、三尺不等，衙署民房衝失殆盡，街市舖房祇存十之三四，官民皆避水於近城之元寶山，又通化縣稟報該縣江水陡漲，衝開堤壩，城內城外一片汪洋，衙署民房衝塌不少，又遼陽州稟報該州太資河水勢漲發，加以上游山水陡至，沿河一帶平地水深五六尺不等，城內水深尺餘，又海城縣並牛莊防守尉稟報該縣遼河水漲泛濫出槽，近城一帶平地水深三四尺不等，沿河低窪之處禾稼多被浸淹，房屋亦

奉天通志

卷四十六

大事四十六 清二十 續三十九

多衝塌，城西牛莊一帶，切近河干，地居下游，幾成澤國，牛莊城自來投到及救到難民數千餘人，又蓋平縣稟報該縣河水盛漲，加以山水併注，兩狂瀾急，衝塌城牆數處，沿河一帶舖戶民房衝塌不少，城內衙署民房亦多傾頽，又岫巖縣尉州稟報自七月初一日起大雨七晝夜，河水漲發，城南沿海一帶被淹尤甚，現派差弁往查，有無淹斃人口，衝失房間，速爲查報，又興京廳稟報該廳山水驟注，河溜陡漲，該同知駐紮新賓堡街沿河一帶被災者二十一家，衝塌房屋一百零三間，其四鄰被水之區，因河水泛濫道路不通，一時無從查報，又奉錦山海關道稟報營口牛莊等處被水派文武員弁馳赴各處拯救災民，設廠煮賑，又東邊道稟報所屬被水情形，併稱中江九連城地方水深

奉天通志

卷四十六

大事四十六 清二十一 德宗三十一

丈餘，權稅局房屋以及民房鋪房衝塌甚多，並據各該廳州縣聲明被水之區，尚未查明，田禾被災分數，飢民亟待賑濟，難以從緩淹斃人口在所不免，尚未查清數目各等情。陸續具稟前來，奴才等查此次水災，蓋因大雨連綿，奔騰暴注，水勢發自東山，沿河入海，泛溢橫流，幾及千里，水到之區，人口牲畜房屋器皿漂沒者不可勝計，已成巨災。子遺黎民自應迅速安撫，俾免流離，當經奴才等奏明先行籌銀三千兩，委員在近省一帶設法撫恤收養，續又發給安東縣銀一千兩，通化縣銀一千兩，牛莊防守尉銀三千兩，山海關道二千兩，興京銀二千兩，遼陽城守尉知州自行籌款東錢三萬吊，又奉錦山海關道在營口資善堂籌銀三千兩，又東邊道奎訓籌給安東縣銀一千兩，鳳凰廳銀五百兩，又由牛莊防守尉奇車布自行捐銀二百兩，奉錦山海關道誠勳捐銀四百兩，營口海防同知章樾捐銀二百兩，各歸各處賑撫以延殘喘，惟念各處災民甚多，蕩析離居，深堪憫惻，若僅照向辦章程，蠲緩糧租，寬免分數，折抵行糧，轉瞬冬令，無補飢寒，誠恐強者流而為匪，弱者委填溝壑，此後情形實有不堪設想者。奴才等再四思維，惟有查照光緒十二年分水災成案，分別發倉，無論旗民普加賑濟，遼陽、海城、蓋平等處州縣均有存儲倉糧，即行飭令就近發倉賑撫，東邊道所屬安東等處並無倉存，擬於驛巡道庫提存三成米價項下撥給賑撫，各處旗倉存儲米穀現已無多，擬由各屬民倉借撥一俟豐收有餘之年，再行歸還，合無仰懇天恩，俯念災民困苦，顛沛流離，

准如所請撫恤，以全民命而安地方。奴才等現已委員分赴各處會同各地方官清查災民戶口，或計口授食，或設廠煮粥，或給予錢文自行買食，各就其地之所宜酌量辦理，統俟撫恤完畢，造冊報部核銷，被衝地畝輕重不等，已飭各地方官詳勘分數，再請蠲緩高阜之地水過全消，尚可秋通省約計，雖年景不無減色，而米糧不至缺乏，民情尚屬安定，堪以仰紓宸廑。此外未報各廳州縣有無被災，因各處道路為水所阻，尚未報齊，倘有續報之處，再行據情入告，得旨覽奏，被災情形深堪憫惻，著照所請，趕緊發倉撥款賑濟，一面飭屬確查被災區分別妥為撫恤，毋任失所。

清史稿慶裕傳，又明年興京水潦賑如初。

奉天通志

卷四十六

大事四十六 清二十一 德宗三十一

九月，命睿親王送玉牒尊藏盛京。

清實錄九月戊午，上詣太廟孝貞顯皇后尊諡冊寶，玉牒前行禮，恭送往盛京尊藏。

東華錄八月庚寅，以恭修玉牒告成，命和碩睿親王魁斌等恭送盛京。

開濬旅順澳。

東華錄九月戊午，李鴻章奏北洋創練水師，購置鐵甲鋼甲快船，身大力重，喫水較深，不能駛進河口，因擇定旅順口內西澳，山圍沙互形勢天然，堪為師船停泊之處，惟口狹底淤，非大加開濬，不能展輪下旋，前已購造挖海接泥各船，勤加疏治，其挖出淤泥，必須小輪船拖帶出海，遠卸方免口內阻塞，原僅利順

小輪船一隻不敷往返拖駛接泥船亦復短少軍用緊要不得不及時添備當飭大沽船塢製造暗輪鋼拖船一隻名曰通順身長一百二十尺寬二十尺喫水八尺五寸船身用鋼板輪面用柚木板造成氣缸三具康邦汽機全副馬力三百五十四匹每點鐘行十二海里極為堅利靈捷且輪面平厚有事時即可撥兵設礮為安置水雷之用實於工程有裨計連輪板兩隻槍索裝修及一切應用器具物料俱全並隨帶小火輪船板一隻除工價由船塢月支經費內開支外實用料價庫平銀三萬四千一百六兩有奇又另造大小鐵板接泥船六隻亦均一律堅固實用料價庫平銀三萬九千四百二十七兩有奇均在北洋經費項下設撥應俟彙案報銷至該輪船常年用款除煤炭油修

奉天通志

卷四十六

大事四十六

清二十

德宗三

二十三

一切活支之項難以預定外計配設管駕人等二十六員名月支薪糧銀四百十四兩並以該船輪機均係新式暫雇洋管輪馬庚一名指授理法議明當差三箇月期滿即行辭退未經訂立合同月給薪水銀一百八十兩均自光緒十二年十月分起在北洋經費項下開支除洋員現已遣撤並將管駕人數開單分咨海軍衙門戶兵二部外所有開辦旅順漢口製造遇順鋼拖輪並鐵駁等船緣由理合附片具陳下部知之

增設奉天新設各廳縣庫增額

清實錄九月戊子盛京將軍慶裕奏新設興京鳳凰兩廳請添設庫增額各三名奉化懷德通化懷仁安東寬甸六縣請添設庫增額各二名下部議行

會典事例光緒十四年議准奉天鳳凰興京兩廳添設庫增額各三名奉化懷德通化懷仁寬甸安東六縣添設庫增額各二名均五年一貢

冬十月頒奉天省城關帝廟等處匾額

清實錄十月己卯朔以神靈顯應頒奉天省城關帝廟匾額曰濟陽福應並加郡城隍神封號龍王神封號暨廣寧縣北鎮醫巫閭山神封號

又十月丁未以神靈顯應頒奉天遼陽州關帝廟匾額曰福祐遼東義州關帝廟匾額曰威宣渤海威遠堡邊門關帝廟匾額曰龍原澤普并加遼陽州龍神義州龍神城隍神威遠堡邊門龍神封號

奉天通志

卷四十六

大事四十六

清二十

德宗三

二十四

寧遠州士民捐修城垣工竣

清實錄十月丁未盛京將軍慶裕奏寧遠州士民捐款修城垣工竣懇請獎敘下部議

十一月奉天黑牛館乳牛館被水冲刷

清實錄十一月辛酉盛京將軍慶裕等奏黑牛館乳牛館被水冲刷請俟明年春融修理如所請行

東華錄十二月丁亥慶裕奏黑牛館被水衝刷請修理各工尤之

禁奉天高粱米出口

清實錄十一月丙寅盛京將軍慶裕等奏奉省災歉民間乏食高粱米請暫停商運出口如所請行

東華錄十二月乙酉，慶裕等奏奉天東南各城上年水災頗重，請將奉省高粱、粟米兩項暫停商運出口，得旨如所請行。

修醫巫閭山神廟。

清實錄十一月丙子，盛京將軍慶裕奏廣寧縣北鎮暨無閭山神廟歲久傾圮，請籌款重修，以安神靈，如所請行。

東華錄十二月辛卯，修醫巫閭山神廟。

修奉天移居宗室營房。

清實錄十一月丁丑，盛京將軍慶裕等奏，秋初大水為災，移居宗室營房內，原建廟宇衙署住房被沖情形較重，擬請擇要修理，又奏官員兵丁被災苦累，請暫借俸餉以資撫卹，均如所請行。

奉天通志 卷四十六

大清四十六 清二十 德宗三 二十五

十二月，獨緩奉天各屬災糧。

清實錄十二月癸未，獨緩奉天安東、通化、寬甸、懷仁、海城、承德、遼陽、新民、岫巖、鳳凰、廣寧、興京、金復、十四廳州縣暨牛莊、熊岳、海龍、撫順等處被災各民旗地方錢糧地租有差。

慶裕請假修墓，定安署盛京將軍。

東華錄十二月丙申，賞慶裕修墓假兩月。

十五年春正月，免奉天各城租糧。

清實錄正月戊午，獨免奉天各城旗民被水村莊地租差糧。

頒管口資善堂區額。

清實錄正月辛酉，以積資助賑，頒奉天管口資善堂區額。

東華錄三月庚戌，以捐助豫賑，賞給奉天管口資善堂區額。

二月，頒岫巖等處關帝廟匾額。

清實錄二月庚辰，以神靈顯應，頒奉天岫巖州關帝廟匾額，曰：「挹婁昭佑，復州關帝廟匾額，曰：「威宣遼左，懷德縣關帝廟匾額，曰：「澤周渤海。」

東華錄二月庚辰，頒給奉天岫巖州、復州、懷德縣關帝廟匾額。

三月，頒新民廳巨流河柳河神廟匾額。

清實錄三月丙午朔，以應靈素著，頒奉天新民廳巨流河神匾額，曰：「澤溥開城，柳河神匾額，曰：「宜豐灑潤。」

東華錄三月丙午朔，頒給新民廳巨流河神廟、柳河神廟匾額。

定本科會試中額奉天三名。

清實錄三月己巳，禮部以會試中額，請得旨滿洲取中八名，蒙

奉天通志

卷四十六

大清四十六 清二十 德宗三 二十六

古取中三名，漢軍取中六名，奉天取中三名。

夏四月，振奉天災。

清實錄四月丙子朔，署盛京將軍定安等奏，賑撫被災旗民，動用倉米六萬四千五百餘石，銀六千三百餘兩，又借撥民倉米七萬三百餘石，下部知之。

又四月己卯，署盛京將軍定安等奏，籌辦春撫散放麥種，暨續籌捐賑情形，得旨即著飭屬妥籌賑撫，務期實惠均霑，毋令一夫失所。

又四月庚子，署盛京將軍定安等奏，查明省城八界等處被災旗民，仍請照章發給一月口糧接濟，下部知之。

五月，禁奉天米糧出境。

清實錄五月戊申諭軍機大臣等前因翰林院侍講學士良弼奏奉天災歉太重請飭停止米糧出境當諭令定安體察該省現在情形酌度辦理茲復據都察院奏主事魏晉楨等瀝陳奉天等省被災各情據稱各城高粱粟米即無外省採買亦不能接至新秋吉林一帶近來流民更多嗷嗷待哺外省採買米石有妨民食等語各省災民同係朝廷赤子山東業已多方接濟直隸收成尙稱中稔而奉天上年水災甚重民食尤艱值此青黃不接之時必應寬爲儲備著定安飭屬停止外省採買即咨明李鴻章張曜遵照原呈抄給閱看將此由四百里諭令知之尋奏現已遵旨停止外省採買又奏錦州昌圖兩屬尙有餘糧擬俟豐收可望仍奏請放行均報聞

奉天通志 卷四十六 大事四十六 清二十 德宗三 二十七

六月加岫巖等州縣城隍神封號

清實錄六月壬午加奉天岫巖等州縣城隍神封號曰靈應曰昭德曰靈佑

秋七月廣裕病免以裕祿爲盛京將軍

清實錄七月壬子盛京將軍廣裕因病解職甲寅以湖廣總督裕祿爲盛京將軍

東華錄七月壬子廣裕因病請解任允之甲寅以裕祿爲盛京將軍

清史列傳六 裕祿傳十五年授盛京將軍

清史稿裕祿傳十五年徙爲盛京將軍

裕長遷以興陞爲奉天府尹

清實錄七月戊午以奉天府府尹裕長爲直隸布政使己未以奉天驛巡道興陞爲奉天府尹

八月添募奉天馬隊

清實錄八月壬午兼署盛京將軍奉天總督定安奏駐巡吉林黑龍江官兵資遣各歸原省訓練重募蒙古勇隊以原餉挑募馬隊一律成營下部知之

東華錄八月丁酉定安奏黑龍江官兵資遣回旗由奉省挑募馬隊下部知之

冬十一月免奉天旗地欠租

清實錄十一月己巳豁免奉天旗地光緒九年暨十三年以前積欠餘租

奉天通志 卷四十六 大事四十六 清二十 德宗三 二十八

十二月以二等台吉林沁多爾濟麟科爾沁達爾罕王旗固山貝子爵

清實錄十二月癸酉以故科爾沁達爾罕王旗固山貝子班哈喇克散子二等台吉林沁多爾濟麟科

十六年春閏二月諭東三省兵認真操練

清實錄閏二月乙丑諭軍機大臣等東三省兵丁素稱驍健果能愈練愈精自可悉成勁旅著定安裕祿長順依克唐阿各飭該總統等悉心訓練不可稍形懈弛著將如何還辦情形據實覆奏將此各密諭知之尋定安等奏現在各營於按日分操台操外加演梅花陣式並分日走隊數十里軍械火器亦常令

兵士試演擦磨藉習勤苦而資熟練仍當悉心討論相助爲理

以期精益求精，緩急可恃，下所司知之。

三月定本科會試中額奉天四名。

清實錄三月辛卯，禮部以會試中額讀得旨：滿洲取中九名，蒙古取中四名，漢軍取中七名，奉天取中四名。

夏四月修營口火藥等庫。

東華錄四月戊申，定安奏奉天營口地方前因辦理海防創設水雷營以資扼守，陸續於外洋天津添置機械電綫棉花火藥等件運解到營，應設雷庫十間，存放電綫軍械各器層壘堆集，已無餘地，棉花火藥性烈氣猛，安置宜嚴，電綫內水綫一項必須有甜水蓄養，庶免損傷，若久置旱地，膠性燥烈，鏽蝕堪虞，擬在該營雷庫西偏添蓋藥庫五間，地盤築深七尺，下用木椿木

奉天通志

卷四十六

大事記四十六

清二十一

德宗三

二十九

梁懸架木板，上鋪細砂以遏地氣，而抑地火，四面磚牆兼用塞門土三合土堅築，厚四尺，上蓋用青磚圍洞，三合土塞門土封頂，以杜木性生火，每間開斜照窗二扇，用鐵條鐵網外照玻璃，以防電氣，牆內挖砌竹管，以洩澤氣，並於房外四角開井四眼，各植圓徑二寸，長二丈四尺鐵柱一根，以收天行電氣，又於雷庫東偏添蓋電綫庫五間，地盤築深九尺，用塞門土三合土、青石磚塊砌築中間土地，蓄注甜水以養水綫，四圍磚牆，灰頂木梁柱，棧板與藥庫同，共實需工料銀五千五百一十二兩二錢六分，樽節估計並無浮冒，據奉錦山海關道誠勳轉據雷營管帶千總劉奇坤營口海防同知章樾造冊詳報，奴才覆閱無異，批飭在於營口七釐貨捐項下動款興修，已於上年四月初

七日卯時開工，曾將做法丈尺清冊並繪圖咨報戶部工部查核在案，茲准工部以此項工程銀數係千兩以上，應行奏明辦理等因，咨覆前來，奴才查明雷營所購棉花火藥水電綫價值既鉅，物性各殊，積數已多，看守不易，必須另蓋房庫存儲，方昭妥慎，該道所請在於雷庫前東西兩邊修建庫房各五間，專儲棉花藥水綫兩項實為當務之急，所需工料銀五千五百一十二兩二錢六分委已樽節估計，毫無浮冒，業由七釐貨捐項下動支應用，所有工程亦已據報完竣，下部知之。

秋九月查驗盛京軍器。

東華錄九月辛未，裕祿濟祿奏，查向例盛京通省官兵額設箭甲槍礮弓箭每屆三年由盛京兵部侍郎前往點驗一次，道光

奉天通志

卷四十六

大事記四十六

清二十一

德宗三

三十

八年前任將軍奕瀚以從前侍郎每屆點驗之期，帶領官員家丁書役前往各城需費較繁，奏奉上諭，嗣後盛京兵部點驗軍器之例著照所請停止，飭令各城尉協每於年終將一切軍器是否整齊造冊咨送兵部存查，仍責成該將軍隨時酌量密委委員前往抽查，以期核實等因，欽此。嗣於道光十九年六月奉

上諭，據御史阿克丹奏請，揀員點驗盛京軍器一摺，盛京兵丁素稱勁旅，器械尤須堅銳，嗣後每屆三年點驗軍器著該將軍前期開列將軍五部侍郎及副都統銜名具奏請旨簡派，欽此。道光二十二年復經前任將軍禧恩奏奉，上諭，禧恩奏請將官兵軍器送省點驗一摺著照所請，盛京官兵軍器著白平夷撤防之日起，每屆三年開列將軍副都統五部侍郎銜名奏請簡